



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Antiphonis. VII.

urn:nbn:de:hbz:466:1-40233

anlis, in Transfiguratione Domini. Reliquarum terminationum patet ratio; nisi dubites in Pentecoste, cur dicatur, *Deo Patri sit gloria*, &c. qui finis hodie communis est temporis Paschali. Sed, sicut attinent ad Paschale tempus ea verba, à mortuis surrexit; ita ad Pentecosten illud verbum *Paracletus*, cui fit Festum in Pentecoste.

13 Excipiuntur duo genera Hymnorum, quæ non patientur mutationem aliquam, nimirum quando Hymni non sunt eiusdem metri: absolum enim esset, præsertim ubi cantantur Hymni, & quando Hymni habent ultimum Versum proprium, hoc est, ita proprium, ut si careat solito fine, careat petitione, quæ fit ad Deum ante glorificationem sanctissimæ Trinitatis, vel simul cum eadem glorificatione, cuiusmodi sunt ultimi Versus Hymnorum, *Vni, trinoque Domino*, &c. *Tenunc Redemptor quæsumus, Ut martyrum consortio, Te fons salutis Trinitas*, in Hymno sanctæ Crucis.

14 Conclusio verò Hymnorum semper fit vel ratione temporis, vel ratione Octauæ, quamvis in Officio nulla fiat de tempore vel de Octaua commemoratio; ea ratione qua dicitur Præfatio de tempore, vel de Octaua in Feste, quod propriam non habet Præfationem, ut in Rubric. Mis. fal. titulo 12. num. 3.

15 In Officio Semiduplici de beata Virgine, quod à Regularibus ex privilegio fit in Sabbato, si in primis Vesperis dicatur saltē Capitulum de beata Virgine, dicitur in Vesperis, & in Completorio, *Iesu, tibi sit gloria, Qui natus es de Virgine*: & item, si fiat tantum commemoratio, adhuc illud di-

citur in Completorio. In secundis autem Vesperis si fiat de ea commemoratio, eodem modo concluduntur Hymni usque ad Completorium inclusiū, ut habetur in libello Officiorum PP. Discalceatorum à sacra Congregatione Ritu approbat, & Romæ impresso anno 1629. Atque idem seruandum est in Officio Semiduplici de sanctissimo Sacramento, in Ferijs quintis à Regularibus celebrando, ex eadem sacra Congreg. ibid. Si verò nulla fiat in Vesperis commemoratio, neque in Completorio variatur finis Hymni.

16 Dices, Cur dicitur, *Qui scandis super sidera*, cùm in alijs utamur verbo temporis præteriti? Respondeo, illud à S. Ambrosio fuisse dictum in Hymno ratione metri; quem secutus Urbanus dici iussit, *Qui victor in celum redis*.

De Antiphonis.

C A P. V I I.

1 **A**ntiphona idem est ac vox opposita, seu contrasonans. Alcuin. de Celebr. Missæ, & Amal. lib. 4. de Off. cap. 7. vocem reciprocam interpretantur; quia inchoatur ab uno vnius Chori, & ad eius symphoniam cantatur Psalmus per duos Choros, ipsaque Antiphona coniunguntur simul duo Chori. Hinc usu receptum est, ut sententia, quæ Psalmum aut Canticum præcedit, Antiphona dicatur, ex Duran. lib. de R. et. 3. cap. 17.

2 Author Antiphonarum fertur Ignatius Antiochenus, ex Cassiod. in Tripartitalib. 10. cap. 9. post quamdam visionem Angelorum, quos vidit unum ad alterum cantantes, San-

K. ctus,

74 Comment. in Rubr. Breuiarij. Sect. V. Cap. VII.

Etus, Sanctus, indeque ille prescripsit alternum cantum in Ecclesia Antiochena: non dico Psalmorum, de quibus in capite sequenti. Græcos imitatus, primus inter Latinos Ambrosius Antiphonarum est auctor, circa annum 383. vt egregie probat Francol. i. par. c. 3. sub Damaso, nō sub Siricio, vt scripsit Sigebeitus. Institutionis huius habemus testem Aug. lib. 9. Conf. c. 6.

3 Dicuntur Antiphona semper cum Psalmis. Ut, sicut Psalmus, inquit Amal. loco cit. significat ex Hieron. opus bonum; ita non sine Antiphona debet esse, quæ sua combinatione, seu repetitione, ante & post Psalmum, significat diuersorum vñionem & charitatem, sine qua opus bonum non facit concentum Deo, nec aliquid valet. Hæc ille fusiùs.

4 Duplicantur in Duplicibus, non in alijs, & inde dicitur esse Officium Duplex; quia cùm, vt diximus, Antiphona significat charitatem, in solemnioribus perfectiorem charitatem ostendere debemus, Hugo in Spec. cap. 3. alijs significat, inchoatam in hac vita charitatem consummandam esse in fine vitæ; sicut integra dicitur Antiphona in fine Psalmi, idem Hugo: cui Durand. lib. 5. cap. 2. addit, inchoari Antiphonam ante Psalmum; quia charitas præcedere debet opus bonum, vt sit meritorium. Et inchoatur ab uno, quæ ab omnibus completur; quia ab uno Christo diffunditur charitas ad membra. Hæc ille.

5 Plures Antiphona nobilioribus dantur Horis, Matutino & Vesperis, non alijs Horis, quæ humilius celebrari debent, Radulph. Prop. 10. Sed tempore Paschali, tam in Matutino quām in Vesperis, minor est numer-

rus Antiphonarum quām per annum, ita vt sub vna Antiphona multi dicantur Psalmi, Radulph. Propos. 16. An igitur minorem charitatem ostendere debemus eo tempore? absit, imò verò hæc diminutio Antiphonarum denotat, ita feruere Clericos ex Paschalibus sacramentis & gaudijs, vt non egeant pluribus Antiphonis ad charitatem accendi. Posterior hic ritus est Micrologi, qui cap. 55. in Inventione sanctæ Crucis ponit in quolibet Nocturno tres Antiphonas, vñ alias per annum.

6 Ad Horas minores vna dicitur Antiphona, quæ desumitur in Festis regulariter à Laudibus, quarta prætermissa, quia est Antiphona pro Cantico, non pro Psalmo.

7 Dantur Antiphonæ communes, & propria: illæ vt plurimum desumuntur è Psalmis, quorum sunt Antiphonæ; propriae verò, vel à tempore priuilegiato, vel à Festo, &c. & hæc præferuntur communibus, vñ par est.

8 Ob Festi solemnitatem in primis Vesperis ponuntur aliæ Antiphonæ diuersæ à Laudibus, & à secundis Vesperis; vt, in Natali Domini, Purificatione beatæ Virginis, in Festo Corporis Christi, & in Nauuitate sancti Ioannis Baptiste.

9 In Aduentu quoque, ob temporis celebritatem, Antiphonæ de Laudibus Dominicæ repetuntur ad Horas per Hebdomadam, quoisque octo diebus ante Nativitatem dicantur Antiphonæ propriae; postermis diebus ad Laudes & Horas al-signatae.

10 Antiphonæ ad Magnificat, in primis Vesperis Dominicarum vt plurimum sumuntur ex sacra Scriptura

ptura veteris Testamenti legenda in Matutino eiusdem Dominicæ : in secundis autem Vesperis sumuntur de Euangeliō quod in eadem Dominica legitur , sicut etiam ad Laudes ; ut diei Dominico deseruiat vtrumque Testamentum . Dominicæ Paschæles Antiphonis gaudent de nouo tantum Testamento , quia Christi resurreccio causa est ut in nouitate vitæ ambulemus , ex Paulo *Roman. 6.*

11 Additur Antiphonis tempore Paschali in fine *Alleluia* , ad latitiam Paschalem sæpiissimè declarandam , de qua voce diximus *suprà c. 4. num. 5.*

12 Quid , si Antiphona sumitur ex principio Psalmi , vel Cantici , & incipit sicut Psalmus , vel Canticum ? eo casu non dicitur principium Psalmi , seu Cantici ; sed continuatur quod sequitur in Psalmo , vel Canto , ab eo loco ubi definit Antiphona . quod nota præsertim (errant multi) in Officio Dedicationis Ecclesiæ in tertio Nocturno in Psal. *Qui habitat* : nam die primo & octavo , dicta integra Antiphona à Choro , incipi debet Psalmus à secundo Versu , *Dicet Domino* , &c. si verò tempore Paschali addas in fine *Alleluia* , tunc incipitur Psalmus à primo Versu , *Qui habitat* ; quia illud *Alleluia* tollit continuationem Antiphonæ cum Psalmo . Simile habes exemplum in Ascensione Domini in secundo Nocturno , *Exaltabo te Domine* , quoniam suscepisti me , *alleluia* ; & Psalmus incipit à primis verbis eiusdem , *Exaltabo te Domine* , &c. & ita in praxi communiori seruatur quod est rationabilius ; & in recognitione postrema Breuiriarij addi hoc loco curauit .

mus. In Feriæ secundæ Vesperis ferrialibus , dicto initio Antiphonæ ab Hebdomadario *Magnificat* , Cantor & Chorus simul prosequuntur , *anima mea Dominum* ; quia diuidi commodè non potest ultima pars Versus . Illud certè est obseruandum in enuntiandis Antiphonis , ut initium numquam sit vnius syllabæ , neque eiusmodi , ut absurdè orationem præcidiat . quod monetur in Cærmoniali Clericorum Regularium sancti Pauli lib. 1. cap. 10.

De Psalmis.

C A P. VII I.

SI Psalterium Sacerdos ignorat , nomen Sacerdotis vix in eo constabit , ait Aug. 28. *Difst.* *Quæ psal.* & hoc me mouit , ut hoc loco plura recenseam ad plenioram Psalterij cognitionem , de Vocabulo , Auctore , Ordine , Materia , Cantu , & Vsu Psalmorum , breuiter tamen , enarraturus .

2 *Psalmus* Græcis idem quod Latinis cantus , sive sonus , qui fit manibus pulsato . psalterio , ut 1. *Reg. 16.* fit etiam voce , ut *Psalm. 33. Bene psal-* *lite ei in vociferatione.* At Psalmi Davidici continent Dei laudes , vel preces ad eum ; vnde ferè idem est Psalmus quod Hymnus , ut ex titulo Hebreo Psalterij habetur , qui est , Liber Hymnorū , seu Laudum diuinarum .

3 Psalterium , quo Romana Ecclesia vitetur , est ex translatione sancti Hieronymi Romana , teste Radulph. *Propos. 8.* & differt à Psalterio Romano quod adhibetur Romæ in æde Vaticana S. Petri ; quo etiam vtuntur Ambrosiani Sanctus Franciscus in sua